

BAHAGIAN

1

MENINGKATKAN AKSES KEPADA PASARAN MODAL

PENGENALAN

Pada 2019, SC menumpukan usahanya untuk meluaskan akses kepada pembiayaan dan pelaburan. Untuk memacu pembangunan dan inovasi pasaran modal yang lebih besar, terdapat keperluan untuk meningkatkan upaya akses pasaran modal dan memudahkan peruntukan sumber yang cekap.

Pasaran modal terus berperanan sebagai pemboleh pertumbuhan jangka panjang yang berterusan merangkumi semua penerbit, pelabur, pengantara dan syarikat melalui pendekatan yang menyeluruh. Beberapa langkah yang diambil termasuk memperluas akses kepada ekosistem pasaran modal digital, mengembangkan keupayaan pasaran modal Islam, membangunkan tawaran nilai Malaysia sebagai pusat Pelaburan Mampan dan Bertanggungjawab (SRI) serantau, memudahkan kerancangan dalam pasaran modal dan menggalakkan perlindungan pelabur.

MEMANFAATKAN TEKNOLOGI DIGITAL UNTUK MELUASKAN AKSES KEPADA PASARAN MODAL

Saluran pengumpulan dana alternatif dan pengendali pasaran baharu

Untuk menangani keperluan unik perniagaan, terutamanya syarikat mikro, kecil dan sederhana (PMKS), SC memudahkan kaedah pembiayaan alternatif yang menghubungkan penerbit dengan kumpulan pelabur yang kurang diberi perhatian melalui saluran penyampaian yang lebih murah, cepat dan mudah. Saluran alternatif ini juga mensasarkan untuk memenuhi permintaan pelabur-pelabur yang kurang diberi perhatian.

Platform pendanaan ekuiti ramai (ECF) dan pembiayaan antara rakan setara (P2P) masih menyediakan sumber modal alternatif untuk membiayai aktiviti perniagaan PMKS. Mula diperkenalkan pada 2015, kini terdapat 21 pengendali platform pembiayaan berasaskan pasaran di Malaysia, termasuk tiga pengendali pembiayaan ECF baharu dan lima pengendali P2P yang diluluskan pada 2019.

Dengan kadar kejayaan kempen pengumpulan dana melebihi 8,000, rangka kerja pendanaan ramai kekal sebagai akses alternatif modal yang berstruktur dan berdaya maju kepada syarikat peringkat permulaan dan PMKS, yang pada masa yang sama meluaskan akses kepada para pelabur.

TAHUKAH ANDA?

Pada penghujung 2019, pasaran pembiayaan ECF dan P2P telah menyediakan hampir RM706 juta pembiayaan alternatif kepada 1,943 PMKS di Malaysia.

Pertumbuhan mampan ECF dan pembiayaan P2P pada 2019 juga memberi manfaat kebanyakannya kepada sektor perkhidmatan. Bagi pasaran ECF, benefisiari utama termasuk sektor 'Borong dan Perdagangan Runcit; Pembaikan Kenderaan Bermotor dan Motosikal' dan 'Maklumat dan Komunikasi', masing-masing merangkumi 20% dan 11% daripada jumlah dana yang dikumpulkan. Kebanyakan pembiayaan P2P adalah bagi sektor 'Borong dan Perdagangan Runcit; Pembaikan Kenderaan Bermotor dan Motosikal', yang menyumbang 42% daripada jumlah dana yang dikumpulkan.

Dari segi pelabur, platform ECF dan pembiayaan P2P masih lagi menarik penyertaan yang menggalakkan daripada para pelabur termasuk segmen runcit dan belia, sejajar dengan agenda SC untuk menghasilkan pasaran modal yang lebih inklusif.

ECF*

P2P*

PLATFORM KEWANGAN

10

PENGENDALI PLATFORM

RM74 JUTA

DIKUMPULKAN SETAKAT INI
80 KEMPEN BERJAYA DILAKSANAKAN

77 PMKS

51% ADALAH
PROJEK BERTUMPU TEKNOLOGI

40%

BERUSIA BAWAH
35 TAHUN

53%

RUNCIT

96%

PELABUR DI MALAYSIA

20%

BORONG DAN
PERDAGANGAN
RUNCIT; PEMBAIKAN
KENDERAAN BERMOTOR
DAN MOTOSIKAL

11%

MAKLUMAT
DAN
KOMUNIKASI



PENGENDALI



DANA



PMKS



LEBIH 20,000
PELABUR



SEKTOR

11

PENGENDALI PLATFORM

RM632 JUTA

DIKUMPULKAN SETAKAT INI
8,102 KEMPEN BERJAYA DILAKSANAKAN

1,866 PMKS

75% ADALAH PROJEK
BUKAN BERTUMPU TEKNOLOGI

62%

BERUSIA BAWAH
35 TAHUN

95%

RUNCIT

98%

PELABUR DI MALAYSIA

42%

BORONG DAN
PERDAGANGAN
RUNCIT; PEMBAIKAN
KENDERAAN BERMOTOR
DAN MOTOSIKAL

*Data dikumpulkan sejak permulaan ECF pada 2015 dan P2P pada 2016.

KAJIAN
KES:

Penamatan Pendanaan Ekuiti Ramai Pertama di Malaysia

Skolafund ialah satu platform digital yang memadankan mahasiswa berkecayaan yang kurang berkemampuan dengan pelbagai sumber pembiayaan melalui pendanaan ramai. Sehingga kini, Skolafund telah mengumpul sebanyak RM1.6 juta melalui platformnya, membiayai 592 pelajar dari keluarga berpendapatan rendah hingga sederhana. Dengan lebih 29,000 penderma berdaftar, Skolafund telah melancarkan 350 kempen, di mana 189 telah dibiaya sepenuhnya.

Pada 2017, ECF telah membantu Skolafund mengumpul RM300,000 daripada 26 pelabur untuk memperluaskan perniagaan mereka. Khususnya, kempen pendanaan ramai memberi para pelabur peluang untuk memiliki ekuiti dalam perniagaan Skolafund dengan saiz kemasukan serendah RM10, dengan itu menunjukkan sifat inklusif ECF.

Pada 9 Oktober 2019, Skolafund telah diambil alih oleh salah satu platform derma pendanaan ramai terbesar di Asia. Ia mencatat sejarah bagi ECF yang pertama di Malaysia yang ditamatkan dengan jayanya – satu pencapaian cemerlang dalam perkembangan ECF di negara ini. Memanfaatkan kuasa teknologi digital dan masyarakat yang saling berhubungan dengan kesedaran sosial yang tinggi, penamatan kempen ini telah memberi manfaat kepada pelabur dengan pulangan 10% atas pelaburan mereka, menunjukkan bahawa syarikat berimpak sosial merupakan segmen yang pantas berkembang dan menarik.

PENAMATAN ECF PERTAMA



Pulangan pelaburan 10%
diberikan kepada pelabur



PERSIDANGAN 2019 FINTECH

22 - 23 OKTOBER

Inisiatif Suruhanjaya Sekuriti Malaysia dengan kerjasama

Rakuten
Trade

MDEC

PNB
Permodalan Nasional Berhad

SCxSC merupakan acara utama SC, satu platform perbincangan bagi pembangunan fintech di peringkat global dan tempatan yang berkaitan dengan pasaran modal. Kini dalam tahun ke-6, SCxSC 2019 memberi tumpuan terhadap pertumbuhan dan kecekapan dalam ekosistem fintech.

"Sedikit sejarah ringkas – SCxSC pertama kali dianjurkan pada 2014. Objektif kami pada awalnya adalah untuk membina kesedaran mengenai ECF dan P2P sebagai sumber pengumpulan dana alternatif kepada syarikat peringkat permulaan dan PKS

Masa berlalu dan 5 tahun kemudian pada 2019, banyak kemajuan telah dicapai. Peserta awal telahpun berkembang, sejajar dengan peningkatan dalam pangkalan pelanggan mereka dan kesedaran awam."

SYED ZAID ALBAR
PENGURUS, SC

KEUSAHAWANAN FINTECH

LITERASI FINTECH

FOKUS

TEKNOLOGI INOVATIF

INISIATIF DIGITAL SC



PESERTA

33%
INSTITUSI
KEWANGAN

17%
PENYEDIA
TEKNOLOGI

50%
LAIN-LAIN*

Nota: *Lain-lain termasuk agensi kerajaan, syarikat bukan kewangan / teknologi dan ahli akademik.

7%↑
PERTAMBAHAN
PENYERTAAN WANITA



64
PENCERAMAH

11 ANTARABANGSA

53 TEMPATAN



27
TAPAK
PAMERAN

PLATFORM
ECF & P2P
PENGENDALI
DAX

INSTITUSI
KEWANGAN
AGENSI
KERAJAAN

40%
PESERTA BERUSIA
35 BAWAH
TAHUN



33
SESI

BUAL BICARA
CERAMAH
TEKNOLOGI
SEMBANG SANTAI

BENGKEL
PANEL



JEFFREY CRUTTENDEN
PENGASAS
BERSAMA,
ACORNS



ELI BROVERMAN
PENGASAS
BERSAMA,
BETTERMENT



KAREEM TABBAA
KETUA PEGAWAI
PRODUK,
WAHED INVEST

#SCxSC19



Malaysia Co-investment Fund



Dalam Belanjawan 2019 Kerajaan mengumumkan sebanyak RM50 juta akan diperuntukkan untuk mewujudkan satu dana pelaburan bersama yang ditadbir oleh SC, untuk bersama-sama dengan pelabur swasta melabur dalam platform ECF dan P2P. Dana tersebut bertujuan untuk menggalakkan lagi akses kepada pembiayaan bagi PMKS melalui platform ECF dan P2P sebagai kaedah alternatif bagi pengumpulan dana. Ia juga bermatlamat untuk bertindak sebagai kaedah yang cekap dan telus untuk menyalurkan dana kerajaan kepada penerima PMKS yang disasarkan.

Susulan pengumuman tersebut, Malaysia Co-investment Fund (MyCIF) telah ditubuhkan untuk memudahkan pembiayaan bagi PMKS dan menyediakan ketelusan dalam penggunaan dana awam kepada syarikat yang disasarkan. Pada Oktober, MyCIF memulakan pelaburan bersama dalam kempen ECF dan pembiayaan P2P.

Dalam Belanjawan 2020, sebanyak RM50 juta lagi diperuntukkan kepada dana sedia ada, dan tambahan RM10 juta diagihkan khusus kepada syarikat sosial.

MyCIF melabur bersama pada nisbah 1:4 di samping pelabur swasta, yang membolehkan dana awam memberi manfaat kepada lebih banyak PMKS. Pelaburan bersama hanya akan dilakukan selepas wang yang mencukupi dikumpulkan daripada pelabur swasta, membolehkan MyCIF untuk memanfaatkan 'budi bicara khalayak ramai' dalam menentukan kelayakan PMKS untuk pelaburan bersama.

PMKS yang menerima pelaburan bersama daripada MyCIF dikehendaki melaporkan prestasi perniagaan mereka kepada Jawatankuasa MyCIF, dengan memberikan data yang berguna untuk mengukur hasil dana. Jawatankuasa MyCIF dianggotai oleh wakil daripada SC, Kementerian Kewangan dan pengurus dana bebas. Oleh kerana MyCIF melabur dalam terma-terma komersial serupa dengan pelabur swasta yang lain, dana tersebut dijangka akan berdikari akhirnya dan tidak bergantung kepada dana daripada kerajaan.

MyCIF telah memberi manfaat kepada pelbagai syarikat dari perniagaan tradisional hingga platform berteknologi. Ini termasuk platform dalam talian bagi perkhidmatan perbidanan, penyedia sistem pengurusan perintis jualan, pengedar alat ganti motosikal berprestasi tinggi dan penyedia titik jualan dagangan digital.

Pewujudan Rangka Kerja Pendanaan Ramai Hartanah

Semasa Bajet 2019, Kerajaan mencadangkan untuk mengkaji mekanisme berteknologi dan inovatif baharu untuk menangani cabaran pembiayaan pembelian rumah di Malaysia, terutamanya yang berkaitan dengan pembeli rumah yang tidak memperoleh pembiayaan melalui kaedah tradisional.

Satu inisiatif tersebut adalah penubuhan platform pendanaan ramai hartanah (PCF) yang dipacu oleh sektor swasta yang menawarkan kaedah alternatif tambahan bagi warga Malaysia untuk membiayai

pembelian rumah pertama mereka, termasuk melalui pilihan pembiayaan yang boleh disesuaikan.

Pada Mac 2019, SC menerbitkan kertas perundingan awam untuk mengkaji rangka kerja kawal selia yang sesuai untuk platform PCF tersebut. SC menerima minat dan maklum balas yang menggalakkan daripada beberapa pihak berkepentingan, termasuk pemaju hartanah, jurunilai, bank dan bakal pembeli rumah.

Berikutan perundingan awam tersebut, rangka kerja PCF telah dikeluarkan pada 17 Mei 2019. Rangka kerja ini menetapkan keperluan dan kewajipan pengendali PCF untuk memudahkan

kempen PCF, termasuk menyediakan maklumat yang adil, jelas dan tepat pada masanya kepada pembeli rumah dan pelabur sebelum menyertai kempen dan juga kepastian penamatan kempen pada penghujung tempoh yang dipersetujui.

Pada 25 September 2019, SC mendaftarkan EdgeProp sebagai pengendali pertama PCF.

Mewujudkan Rangka Kerja Aset Digital

Tahun 2016 hingga 2018 menyaksikan perkembangan dan pertumbuhan segmen aset digital. Di Malaysia, minat mendalam pelabur dan penerbit terhadap kelas aset baharu ini memerlukan perumusan peraturan yang jelas untuk mentadbir aktiviti tersebut, termasuk penawaran aset digital sebagai instrumen pelaburan atau pengumpulan dana.

Untuk membolehkan inovasi aset digital dan pada masa yang sama mengurus risiko yang berkaitan dengannya, pada Januari 2019, SC memberikan penjelasan kawal selia mengenai status aset digital di Malaysia melalui pengenalan keperluan kawal selia bagi operasi Bursa Aset Digital (DAX) serta preskripsi aset digital sebagai sekuriti.

Rangka kerja ini menyediakan struktur sistematik untuk dagangan aset digital dan mengambil kira kepentingan pelabur Malaysia dalam pendedahan kepada kelas aset baharu ini. Rangka kerja ini juga memastikan integriti dan piawaian layak dan sesuai dipenuhi.

Pada Jun 2019, SC mendaftarkan tiga pengendali DAX. Pengendali DAX yang pertama, Luno telah memulakan operasi. Dua pengendali lagi, SINEGY dan Tokenize dijangka akan memulakan operasi mereka pada 2020.

SIDANG MEJA BULAT FINTECH SC

17 Mei 2019

Menteri Kewangan, YB Tuan Lim Guan Eng bertemu dengan wakil industri fintech di sidang meja bulat yang dianjurkan oleh SC. Pertemuan tersebut membincangkan kemajuan industri fintech dalam memupuk inovasi digital bagi memenuhi keperluan pembiayaan PMKS dan membolehkan keterangkuman kewangan yang lebih meluas bagi penerbit dan pelabur Malaysia.

Tumpuan telah diberikan kepada topik-topik pembangunan, termasuk usaha untuk mengembangkan akses perkhidmatan digital di seluruh sektor dan lokasi, akses mudah kepada maklumat pelaburan, dan keupayaan untuk memperoleh produk dan perkhidmatan pasaran modal pada kos yang lebih rendah.

Lapan pengendali pasaran berdaftar (RMO) baharu diumumkan ketika sidang meja bulat tersebut, yang menjadikan jumlah RMO kepada 21 pada penghujung 2019, yang terdiri daripada 10 platform ECF dan 11 platform P2P. SC juga mengeluarkan rangka kerja PCF ketika sidang meja bulat tersebut, susulan pindaan yang dibuat kepada *Guidelines on Recognized Markets*.



Memupuk Ekosistem Fintech Malaysia – aFINity

'Perikatan Komuniti FinTech' atau 'aFINity' dilancarkan oleh SC pada 2015 berfungsi sebagai pusat tumpuan inisiatif pembangunan pasaran modal dalam bidang fintech. Sehingga kini, aFINity mempunyai 350 ahli berdaftar dari pelbagai kumpulan pihak berkepentingan yang berbeza, termasuk penginovasi, usahawan, pelabur dan pihak berkuasa kawal selia yang lain. Pada 2019, aFINity mengadakan lebih 360 pembabitan bersama lebih 290 organisasi dan individu.

Kerjasama dengan Pengawal Selia Sekerja Serantau dan Global

Sebagai sebahagian daripada aFINity, SC bekerjasama sebagai rakan teknikal bersama Bank Dunia dan Cambridge Centre for Alternative Finance (CCAF) di University of Cambridge Judge Business School untuk menghasilkan laporan 2019 yang bertajuk, *Regulating Alternative Finance: Results from A Global Regulator Survey*.

Laporan ini menyediakan data empirik daripada pengawal selia perkhidmatan kewangan di 111 bidang kuasa mengenai landskap semasa pengawalseliaan kewangan alternatif. Dengan memberi tumpuan kepada pembiayaan P2P, ECF dan tawaran token awal (ICO), ia bertujuan untuk menganalisis secara komprehensif kaedah pengawal selia dari ekonomi membangun dan maju mengawal selia dan mengawasi aktiviti kewangan alternatif dalam talian tersebut.

TAHUKAH ANDA?

Malaysia dikenal pasti sebagai salah satu bidang kuasa yang paling kerap diukur rujuk di peringkat global. Malaysia juga muncul sebagai peneraju serantau, terutamanya dalam bidang ECF.

Sumber: *Regulating Alternative Finance: Results from A Global Regulator Survey*

Minggu MyFintech

Di bawah inisiatif aFINity, SC juga mengambil bahagian dalam Minggu MyFintech Bank Negara Malaysia (BNM) pada Jun 2019, di mana sesi demonstrasi mengenai pembiayaan P2P dan pengurusan pelaburan digital (DIM) telah dijalankan untuk meningkatkan kesedaran mengenai cara fintech membolehkan peluang pembiayaan dan pelaburan baharu dalam pasaran modal.

Sebagai sebahagian daripada Minggu MyFintech, SC juga menganjurkan Hari Pelabur ECF untuk mendidik orang ramai mengenai mekanisme penajaan modal dan pelaburan. Ini dilakukan menerusi pembabitan bersama secara langsung dengan pengumpul dana ECF terpilih ketika sesi promosi perniagaan.

PENDEMOKRASIAN PENGURUSAN PELABURAN



4 SYARIKAT
DIM
BERLESEN

PENGURUS PELABURAN
DIGITAL ISLAM PERTAMA



AUM
RM74.69 JUTA



23,083
PELANGGAN

92% BERSUMBERKAN TEMPATAN

Memudahcarakan pelaburan digital

Untuk mendemokratisasikan pengurusan pelaburan, SC melancarkan rangka kerja Pengurusan Pelaburan Digital (DIM) pada 2017. Ia membenarkan pengurus dana sedia ada dan bakal pengurus dana menggabungkan teknologi inovatif ketika menawarkan perkhidmatan pengurusan portfolio budi bicara berautomasi kepada rangkaian pelabur yang lebih luas.

Dalam usaha untuk meningkatkan akses pelabur kepada pelaburan yang fleksibel, telus dan dipelbagai, SC melesenkan tiga lagi syarikat pelaburan digital pada 2019. Wahed Technologies Sdn Bhd merupakan pengurus pelaburan digital Islam yang pertama dilesenkan di Malaysia pada tahun ini, sementara UOB Asset Management Bhd adalah yang pertama dibenarkan mengubah lesennya untuk merangkumi perkhidmatan DIM. Tiga lagi firma juga diberikan status kelulusan pada dasarnya dan dijangka beroperasi pada awal 2020.

Industri DIM terus berkembang, mencatatkan jumlah aset bawah pengurusan (AUM) melebihi RM74 juta dalam tempoh dua tahun. Syarikat peringkat permulaan dan pengurus dana sedia ada telah memanfaatkan segmen ini dan

mengguna pakai inovasi untuk berurusan dengan pelanggan dengan lebih berkesan, dan pada masa yang sama menjadikan pelaburan mampu dilaksanakan dan boleh diakses oleh semua.

MEMPERLUAS KEUPAYAAN PASARAN MODAL ISLAM

Malaysia mengekalkan penerajuannya dalam pasaran modal Islam (ICM), terutamanya berkaitan dengan penerbitan sukuk dan dana Islam – memantapkan usaha untuk mengukuhkan peranannya sebagai pusat antarabangsa terkemuka bagi dana dan pengurusan kekayaan Islam. ICM mewakili 63.57% daripada pasaran modal Malaysia, dengan saiz pasaran sebanyak RM2,035.58 bilion setakat Disember 2019, pertumbuhan 8.23% sepanjang 2018.

Tahun ini menyaksikan terbitan sukuk bernilai RM102.39 bilion, iaitu 77.09% daripada jumlah terbitan korporat; manakala AUM Islam adalah berjumlah RM180.52 bilion, merangkumi 21.93% daripada industri pengurusan dana. Sekuriti patuh Syariah merangkumi 64.06% daripada jumlah permodalan pasaran ekuiti dan bernilai sebanyak RM1,096.62 bilion.

Memperluas instrumen kewangan sosial Islam melalui produk inovatif

Wakaf merupakan konsep endowmen Islam yang biasanya dikaitkan dengan pembangunan sosial dan objektif yang baik kepada masyarakat. Menggunakan dana yang disesuaikan untuk tujuan wakaf, menjana pulangan mampan boleh disalurkan ke arah pembiayaan aktiviti berimpak sosial.

Untuk memudahkan pembangunan suatu konsep wakaf yang dikaitkan dengan pasaran modal, SC mengkaji untuk memanfaatkan produk pelaburan seperti skim pelaburan kolektif, di mana pulangan yang dijana akan disalurkan kepada projek atau inisiatif wakaf.

Dengan mengambil kira keputusan daripada perundingan terperinci bersama industri, SC sedang membangunkan struktur dana wakaf untuk rujukan pengurus dana yang berminat untuk menerbitkan produk sedemikian.

TAHUKAH ANDA?

Rangka Tindakan Pengurusan Dana dan Kekayaan Islam

- Pada 2017, SC melancarkan *Islamic Fund and Wealth Mangement Blueprint* (IFWMB) lima tahun untuk merangka hala tuju strategik bagi industri dana dan pengurusan kekayaan Islam di Malaysia.
- IFWMB mengandungi tiga teras strategik:
 - Mengukuhkan kedudukan Malaysia sebagai hab global untuk dana Islam;
 - Menjadikan Malaysia sebagai pusat serantau bagi SRI patuh Syariah; dan
 - Membangunkan Malaysia sebagai penyedia antarabangsa perkhidmatan pengurusan kekayaan Islam.
- Industri pengurusan dana Islam juga menyaksikan penawaran produk pelaburan baharu dan berinovatif. Ini termasuk ETF Islam berasaskan emas, dana SRI Islam serta sukek sosial dan hijau.
- Setakat Disember 2019, terdapat 23 syarikat pengurusan dana Islam yang menawarkan perkhidmatan penuh.

Insentif cukai bagi pengurusan dana Islam



Pengecualian cukai yang berakhir pada 2020 untuk syarikat pengurusan dana yang menguruskan dana Islam telah dilanjutkan sehingga 2023.

Syarikat DIM Islam pertama di Malaysia

Berikutan saranan IFWMB untuk memudahkan model perniagaan digital, produk dan perkhidmatan Islam yang baharu, SC melesenkan Wahed Technologies sebagai firma DIM Islam pertama di Malaysia pada 9 Ogos 2019. Ini menyediakan para pelabur akses kepada pelbagai portfolio patuh Syariah dengan cepak dan telus, dan memudahkan hubungan dengan pasaran antarabangsa menerusi syarikat induknya, Wahed Invest yang beroperasi di lebih 130 negara.

PERSIDANGAN HAB ASIA PASIFIK SC-BANK DUNIA-IOSCO

29 – 30 April 2019

Persidangan 2019 merupakan penganjuran bersama yang kedua antara SC, Hab Pengetahuan dan Penyelidikan Global Kumpulan Bank Dunia (WBG) di Malaysia, dan Hab Asia Pasifik IOSCO. Persidangan itu juga merupakan kerjasama kali ketiga antara SC dan WBG.

Bertemakan 'Kewangan Islam: Pemangkin Keterangkuman Kewangan', 200 pengamal industri, pembuat dasar dan pakar dalam kewangan Islam berhimpun dan membincangkan peranan kewangan Islam untuk meningkatkan keterangkuman kewangan, termasuk penggunaan instrumen kewangan sosial Islam dan teknologi kewangan.

Perbincangan utama lain termasuk:

Penggunaan mampan kewangan Islam bagi menangani keterangkuman kewangan

Penggunaan instrumen kewangan Islam (iaitu elemen dasar, kawal selia dan institusi) untuk menggalakkan perkongsian kemakmuran

Mempertingkatkan akses pembiayaan kepada PMKS

Penggunaan teknologi untuk menyokong kewangan Islam dalam memudahcarakan keterangkuman yang lebih baik

Pembentangan kajian kes mengenai pendanaan ramai dan rekod transaksi digital

a Lumpur



“Produk dan perkhidmatan Islam bagi keterangkuman kewangan menjanjikan masa depan dan perkongsian yang lebih baik. Oleh yang demikian, peningkatan proses pendigitalan pasti akan mengurangkan kos dan menjadikannya lebih pantas, mudah dan menarik. Sehubungan itu, pasaran modal menyediakan kaedah konvensional dan patuh Syariah kepada para usahawan dan PMKS untuk mengakses sumber pembiayaan alternatif. Platform pendanaan ekuiti ramai dan pembiayaan antara rakan setara, serta modal teroka dan ekuiti swasta, tersedia untuk memenuhi keperluan mereka pada peringkat perniagaan yang berbeza-beza.”

– SYED ZAID ALBAR, PENERUSI, SC

Rangka Kerja Sukuk SRI yang Disemak Semula Untuk Penggalakan Terbitan

Peningkatan kepada Rangka Kerja Sukuk SRI yang Disemak semula

Dianggarkan bahawa menjelang 2030, sehingga AS\$90 trilion¹ diperlukan untuk membiaya pelaburan infrastruktur di seluruh dunia, memberikan kewangan mampan dan peluang untuk menjadi sebahagian daripada penyelesaian pelaburan dan pembiayaan lazim.

Dengan memanfaatkan kepimpinan Malaysia dalam ICM, dan penjajaran prinsip pendasar antara kewangan Islam dan SRI, Malaysia berada pada kedudukan yang baik untuk menerajui secara strategik pembangunan agenda SRI.

Pada 2014, SC memperkenalkan Rangka Kerja Sukuk SRI (Rangka Kerja), yang bermatlamat untuk memudahkan pewujudan ekosistem SRI untuk pelabur dan penerbit.

Rangka kerja tersebut memudahkan penerbitan sukuk SRI sosial pertama pada 2015 serta sukuk hijau pertama di dunia pada 2017.

Pada November 2019, Rangka Kerja tersebut telah disemak semula untuk menyeragamkan lagi keperluan SC dengan prinsip dan amalan terbaik yang diterima pakai di peringkat antarabangsa, dan untuk meningkatkan ketelusan dalam penzahiran maklumat. Sehingga Disember 2019, 10 sukuk SRI berjumlah RM4.77 bilion telah diterbitkan.

Semakan ini termasuk penambahan projek-projek SRI yang layak, pengukuhan keperluan penzahiran dan pelaporan serta penjelasan mengenai peranan penyemak luar. Pindaan ini dijangka meluaskan pangkalan pelabur dan penerbit.

Mengapa Sukuk SRI?

1 Memudahcara keperluan pembiayaan bagi projek yang memenuhi Matlamat Pembangunan Mampan (SDG) Pertubuhan Bangsa-bangsa Bersatu



2 Kepelbagaian pelabur



3 Menarik pelabur dengan mandat SRI dalam pelaburan mereka:



HIJAU



SOSIAL



MAMPAN



WAKAF
HARTANAH /
ASET

¹ The Sustainable Infrastruktur Imperative: Financing for Better Growth and Development, Bangsa-Bangsa Bersatu.

Rangka Kerja Sukuk SRI yang Disemak Semula Untuk Penggalakan Terbitan

(Sambungan)

Komponen Utama Rangka Kerja Sukuk SRI yang Disemak Semula



PENGUNAAN HASIL

Hasil yang diperoleh daripada penerbitan sukuk hanya digunakan untuk membiayai aktiviti atau urus niaga berkaitan dengan projek SRI yang layak.

Pembiayaan projek SRI yang layak termasuk yang berikut:

- Pembelian boleh terima patuh Syariah daripada pembiayaan yang timbul daripada pembiayaan projek SRI yang layak;
- Pemerolehan projek SRI yang layak;
- Pembiayaan semula pinjaman sedia ada atau kemudahan pembiayaan yang digunakan untuk membiaya projek SRI yang layak; atau
- Perbelanjaan sokongan lain seperti penyelidikan dan pembangunan yang berkaitan dengan projek SRI yang layak.



PROSES PENILAIAN DAN PEMILIHAN PROJEK

Mewujudkan proses dalaman untuk menilai dan memilih projek SRI yang layak.



PENGURUSAN HASIL

Hasil yang diperuntukkan kepada projek SRI yang layak dikreditkan ke dalam akaun yang telah ditetapkan atau dipantau dengan sewajarnya.



PELAPORAN

Pelaporan tahunan mengenai:

- Amaun asal yang diperuntukkan kepada projek SRI yang layak;
- Amaun yang digunakan oleh projek SRI yang layak;
- Amaun yang tidak digunakan dan di mana amaun tersebut diperuntukkan atau dilaburkan sementara ia belum digunakan; dan
- Senarai projek SRI yang layak yang mana hasil telah diagihkan serta huraian ringkas mengenai projek SRI yang layak tersebut dan impak atau jangkaan impak projek tersebut.

Sumber: *Sustainable and Responsible Investment Sukuk Framework – An Overview*, SC

Mengembangkan kaedah pendanaan dalam sektor tenaga boleh diperbaharui melalui sukuk SRI


Pasaran sukuk telah memainkan peranan penting dalam menyediakan modal kepada projek-projek infrastruktur termasuk yang di bawah model perkongsian awam dan swasta. Bagi memenuhi hasrat Malaysia untuk mencapai gabungan 20% tenaga boleh diperbaharui menjelang 2025², sukuk SRI boleh memainkan peranan penting dalam memperuntukkan dana kepada projek tenaga boleh diperbaharui.

Di bawah Rangka Kerja tersebut, 2019 menyaksikan penerbitan pertama sukuk hijau kuasa hidro oleh Pasukhas Green Assets pada Februari dan juga penerbitan Sukuk SRI Lestari ASEAN yang pertama di Malaysia oleh Edra Solar pada Oktober. Jumlah sukuk SRI yang diterbitkan pada 2019 bagi projek tenaga yang boleh diperbaharui berjumlah RM1.28 bilion, dikumpulkan daripada empat penerbit unik yang berbeza.

Perkembangan yang menggalakkan ini adalah bukti kedudukan kukuh Malaysia sebagai pusat inovatif bagi kewangan dan pelaburan mampan, dan meneguhkan komitmen SC dalam memacu agenda hijau. Ini juga menunjukkan bahawa Rangka Kerja tersebut ialah inkubator untuk inovasi produk yang menyokong agenda kemampanan dan sukuk.

² Kementerian Tenaga, Sains, Teknologi, Alam Sekitar dan Perubahan Iklim (MESTECC).

PROJEK SRI YANG LAYAK



Sumber: Sustainable and Responsible Investment Sukuk Framework – An Overview, SC

Langkah-langkah sokongan untuk menggalakkan pertumbuhan

Sejajar dengan agenda kemampanan, SC juga melaksanakan langkah-langkah sokongan untuk menarik minat penerbit kepada segmen ini. Insentif ini termasuk potongan cukai untuk penerbitan sukuk SRI serta Skim Geran Sukuk SRI Hijau.

SUKUK SRI BAGI PROJEK TENAGA BOLEH DIPERBAHARUI

DITERBITKAN PADA 2019

RM17 JUTA	RM470 JUTA	RM550 JUTA	RM245 JUTA
PASUKHAS GREEN ASSET	TELEKOSANG HYDRO ONE	CYPARK REF	EDRA SOLAR

JUMLAH SRI SUKUK DILULUSKAN / DISERAHKAN*



* Data kumulatif sejak 2015.

MEMBANGUNKAN TAWARAN NILAI MALAYSIA SEBAGAI PUSAT SRI SERANTAU

Mempercepat perkembangan SRI

Untuk mempercepat pembangunan ekosistem SRI, SC telah melancarkan *Sustainable and Responsible Investment Roadmap for the Malaysian Capital Market* (Pelan Hala Tuju SRI) pada 26 November 2019. Pelan Hala Tuju SRI adalah penting dalam merangka hala tuju peranan pasaran modal dalam memacu pembangunan Malaysia yang mampan.

Pelan Hala Tuju lima tahun SRI tersebut mengenal pasti 20 saranan strategik, yang dipadankan dengan Strategi-5i yang diperkenalkan pada 2014. Strategi-5i adalah penting dalam memacu pembangunan ekosistem SRI yang mudah cara dalam pasaran modal Malaysia dan memberi tumpuan kepada pengembangan rangkaian instrumen SRI, meningkatkan pangkalan pelabur SRI, membina pangkalan penerbit SRI yang kukuh, menyemai budaya tadbir urus dalaman yang mantap, dan mewujudkan kerangka maklumat dalam SRI ekosistem.

Pelan Hala tuju SRI membangunkan inisiatif SC untuk memperkukuh kedudukan Malaysia selaku peneraju pelaburan mampan di rantau ini.

Usaha bersepadu terhadap perubahan iklim

Dalam meneruskan lagi kerjasama untuk membina daya tahan terhadap perubahan iklim dalam sektor kewangan Malaysia, Jawatankuasa Bersama Perubahan Iklim (JC3) ditubuhkan pada 27 September 2019, dan dipengerusikan bersama oleh SC dan BNM. Ahli-ahlinya terdiri Bursa Malaysia dan 19 peserta industri yang lain.

Pada mesyuarat pertamanya, JC3 memperakui keperluan mendesak untuk memacu langkah-langkah bagi memastikan peralihan yang lancar dan teratur ke arah ekonomi rendah karbon.

STRATEGI-5i

Membangunkan ekosistem SRI yang mudah cara dalam pasaran modal Malaysia



MEMPERLUAS RANGKAIAN INSTRUMEN SRI

Memudahkan pembangunan produk pasaran modal SRI untuk meluaskan dan mengembangkan kelas aset SRI

- ↓ Menggalakkan keselarasan piawaian dan prinsip antarabangsa
- ↓ Menggalakkan penerbitan sukuk hijau, sosial atau lestari kerajaan
- ↓ Membangunkan taksonomi SRI bagi pasaran modal
- ↓ Memudahkan penerbitan lebih banyak produk SRI



MENINGKATKAN PANGKALAN PELABUR SRI

Dari segi pelaburan, terdapat keperluan untuk menarik minat pelabur institusi dan individu bagi meningkatkan pangkalan pelabur SRI yang seterusnya akan meningkatkan permintaan terhadap produk SRI

- ↓ Meningkatkan peranan syarikat pelaburan berkaitan kerajaan dan pelabur institusi dalam SRI
- ↓ Menarik pelabur antarabangsa
- ↓ Menggalakkan pelaburan SRI oleh pelabur runcit
- ↓ Meningkatkan keupayaan pengantaraan SRI pengurus pelaburan



MEMBANGUNKAN PANGKALAN PENERBIT SRI YANG KUKUH

Dari segi penawaran, usaha harus ditumpukan untuk membina pangkalan penerbit yang kukuh dan dipelbagai, yang terdiri daripada syarikat tersenarai dan tidak tersenarai serta organisasi pelbagai hala

- ↓ Meningkatkan akses kepada SRI melalui kaedah pendanaan alternatif
- ↓ Menyokong pembangunan saluran tawaran awam awal bagi syarikat hijau dan berimpak sosial
- ↓ Mengukuhkan peranan institusi kewangan dalam SRI
- ↓ Bekerjasama dengan institusi pembangunan pelbagai hala



MENYEMAI **BUDAYA TADBIR URUS** DALAMAN YANG MANTAP

Pembangunan metrik dan penzahiran untuk mengukur kemampan bagi memudahkan keputusan pelaburan untuk menyemai amalan tadbir urus yang baik dalam SRI

- ↓ Memperkasa penzahiran kemampan syarikat awam tersenarai
- ↓ Menggalakkan pemakaian amalan perniagaan mampan, termasuk penzahiran dalam kalangan syarikat kecil dan sederhana
- ↓ Meningkatkan tadbir urus lembaga pengarah terhadap kemampan, termasuk risiko iklim dan peluang
- ↓ Meningkatkan penilaian risiko dan pendekatan kawal selia terhadap SRI



MERANGKA **REKA BENTUK MAKLUMAT** DALAM EKOSISTEM SRI

Pembentukan platform yang menyediakan data kepada pelabur SRI, yang membolehkan peluang pelaburan dinilai dengan lebih baik untuk memastikan ketelusan dan kemudahan akses kepada pasaran SRI

- ↓ Meningkatkan ketelusan maklumat mengenai produk SRI
- ↓ Membangunkan perkhidmatan tambahan untuk SRI
- ↓ Menggabungkan kemampan ke dalam perkhidmatan khidmat nasihat
- ↓ Mempercepat usaha mempromosi dan memprofilkan Malaysia sebagai pusat SRI serantau

PELANCARAN PELAN HALA TUJU PELABURAN BERTANGGUNGJAWAB DAN MAMPAN SC BAGI PASARAN MODAL MALAYSIA

26 November 2019

Pelan Hala Tuju SRI SC telah dilancarkan oleh YB Tuan Lim Guan Eng, Menteri Kewangan. Majlis tersebut dihadiri oleh 200 pengamal industri, pembuat dasar dan pakar dalam bidang pelaburan mampan.



"SRI memberi penekanan bukan sahaja kepada pulangan kewangan, tetapi juga kesan positifnya terhadap alam sekitar, tadbir urus, budaya dan pembangunan sosial."

– YB TUAN LIM GUAN ENG, MENTERI KEWANGAN



"Kemampuan merupakan agenda global yang penting kerana kita perlu menangani isu sebenar yang memberi kesan kepada masyarakat, seperti membasmi kemiskinan, menyediakan akses kepada pendidikan dan penjagaan kesihatan, serta menangani perubahan iklim."

– SYED ZAID ALBAR, Pengerusi, SC

Satu perbincangan panel interaktif dianjurkan dan membincangkan peranan pasaran modal dalam mencari penyelesaian berasaskan pasaran untuk memenuhi keperluan pembangunan mampan dan perubahan iklim dan pemacu utama untuk menjadikan Malaysia sebagai pusat SRI serantau.

SESI PANEL MENAMPILKAN:



Tan Sri Jemilah Mahmood

Setiausaha Bahagian Kerjasama, Pertubuhan Palang Merah dan Bulan Sabit Merah Antarabangsa/ Pengasas, Mercy Malaysia

"Organisasi bukan berasaskan keuntungan merupakan penghubung antara kerajaan, perniagaan dan orang ramai. Untuk menjayakan Pelan Hala Tuju SRI, perkongsian antara sektor kerajaan, korporat dan institusi seperti persatuan awam adalah amat penting"



Najmuddin Mohd Lutfi

Ketua Pegawai Eksekutif, BIMB Investments

"Bagi kewangan Islam, ciri-cirinya mempunyai banyak kesamaan dengan SRI dan persekitaran, social dan tadbir urus (ESG). Kita sedia maklum bahawa Malaysia merupakan antara pusat kewangan Islam terkemuka di dunia. Kita mempunyai pasaran Islam yang kukuh dan maju dan kerana itu, kita agak mendahului dalam bidang SRI dan ESG."



Stefan Priesner
Penyelaras Residen UN bagi Singapura, Malaysia dan Brunei Darussalam

"Matlamat UN SDG bertujuan untuk mewujudkan dunia yang lebih baik bukan sahaja untuk generasi sekarang, malah untuk generasi yang akan datang dengan memberi tumpuan kepada pembangunan mampan. Dan kami percaya pasaran modal mampu memainkan peranan utama dalam membiayai matlamat ini."

Ini termasuk menguruskan pendedahan kepada risiko iklim dan memudahcarakan perniagaan untuk beralih ke arah amalan mampan. Pelaksanaan ini akan dijalankan melalui pembentukan empat jawatankuasa kecil, di mana masing-masing akan memberi tumpuan kepada pengurusan risiko, tadbir urus dan penzahiran, produk dan inovasi, serta pembabitan bersama dan kesedaran.

Menerajui agenda kewangan mampan di peringkat global

Langkah awal SC dalam menggalakkan kewangan mampan melalui Strategi 5i telah membolehkannya meneraju inisiatif dalam arena antarabangsa, terutama dalam kalangan pasaran pesat membangun dan rakan sekerja serantaunya. Melalui usaha-usaha penting kewangan mampan dalam forum seperti IOSCO, Forum Pasaran Modal ASEAN (ACMF), dan Jawatankuasa Kerja Pembangunan Pasaran Modal (WC-CMD), SC berjaya membentuk dasar, piawaian dan rangka kerja dalam bidang yang sedang berkembang ini.

Dalam lingkungan IOSCO, SC dan National Securities Commission (CNV) Argentina, bersama-sama mempengerusikan Kumpulan Kerja Kewangan Mampan, Jawatankuasa Pasaran Pertumbuhan dan Pesat Membangun (GEM). SC juga merupakan ahli Rangkaian Kewangan Mampan (SFN), satu inisiatif di peringkat Lembaga IOSCO.

Pada Jun 2019, Kumpulan Kerja GEM telah menerbitkan Laporan mengenai *Kewangan Mampan dalam Pasaran Pesat Membangun dan Peranan Pengawal Selia Sekuriti (Sustainable Finance in Emerging Markets and the Role of Securities Regulators)*. Laporan ini memberikan saranan kepada pengawal selia pasaran pesat membangun untuk dipertimbangkan apabila mengeluarkan peraturan atau panduan berkenaan instrumen kewangan mampan, dengan tujuan untuk menggalakkan pasaran menggunakan amalan kemampanan.

Berikutan penerbitan Laporan ini, telah dipersetujui bahawa satu Program Capaian Kewangan Mampan GEM dijalankan untuk membimbing pengawal selia dalam melaksanakan tersebut, terutamanya yang berkaitan dengan regim perundangan dan kawal selia tempatan dan domestik serta keadaan pasaran.

Di peringkat rantau ini, usaha-usaha kewangan mampan SC dilaksanakan melalui ACMF – forum peringkat tinggi yang terdiri daripada pengawal selia pasaran modal ASEAN dan WC-CMD, yang bermatlamat untuk mencapai kerjasama rentas sempadan dalam kalangan pasaran modal ASEAN.

SC dan *Securities and Exchange Commission Filipina* merupakan pengerusi bersama Kumpulan Kerja Kewangan Mampan ACMF. Tahun 2019 menyaksikan perkembangan ketara penerbitan bon di bawah pemakaian piawaian ASEAN mengenai pembiayaan mampan yang dibangunkan oleh ACMF.

TAHUKAH ANDA?

Piawaian Bon ASEAN

- ACMF membangunkan beberapa piawaian bon untuk menyokong keperluan pembangunan mampan ASEAN:
 - *Piawaian Bon Hijau ASEAN* dilancarkan pada 2017.
 - *Piawaian Bon Sosial ASEAN* dan *Piawaian Bon Lestari ASEAN* dilancarkan pada 2018.
- Setakat akhir 2019, terbitan bon menurut piawaian ASEAN berjumlah AS\$5 bilion, Malaysia mewakili AS\$1.43 bilion atau 29% daripada jumlah keseluruhan terbitan.

INISIATIF UTAMA SRI DALAM PASARAN MODAL MALAYSIA

2019

- Pelancaran **Pelan Hala Tuju SRI**, SC
- Penerbitan **Rangka Kerja Sukuk SRI** SC yang disemak semula
- Penubuhan JC3

2018

- Penubuhan **Skim Geran Sukuk SRI Hijau sebanyak RM6 juta** yang **dikecualikan daripada cukai**
- Penerbitan **SBS ASEAN** dan **SUS ASEAN**

2017

- Pelancaran **IFWMB** SC
- Penerbitan **sukuk berimpak sosial** oleh Khazanah Nasional (tranche ke-2) dengan bahagian runcit
- Penerbitan **sukuk hijau pertama dunia di bawah Rangka Kerja Sukuk SRI**
- Penerbitan **GBS ASEAN** diikuti oleh penerbitan **Bon Hijau ASEAN pertama**
- Penerbitan **Guidelines on SRI Funds** SC
- **Insentif cukai bagi dana SRI** bagi tempoh tiga tahun dari TK 2018 hingga TK 2020 dan dilanjutkan untuk tiga tahun lagi dari TK 2021 hingga TK 2023 (Belanjawan 2020)
- Pelancaran **Kod Tadbir Urus Korporat Malaysia** SC yang disemak semula

2016

- **Insentif cukai bagi penerbit sukuk SRI** bagi tempoh lima tahun dari TK 2016 hingga TK 2020 dan dilanjutkan untuk tiga tahun lagi dari TK 2021 hingga TK 2023 (Belanjawan 2020)

2015

- Penerbitan sulung **sukuk berimpak sosial** oleh Khazanah Nasional di bawah Rangka Kerja Sukuk SRI
- Pengenalan **Pelaporan Kelestarian** melalui *Keperluan Penyenaraian Bursa Malaysia*

2014

- Penerbitan **Rangka Kerja Sukuk SRI** SC
- Pelancaran **Indeks FTSE4Good Bursa Malaysia**
- Penerbitan **Malaysian Code for Institutional Investors**

Sumber: Sustainable and Responsible Investment Roadmap for the Malaysian Capital Market, SC

MENINGKATKAN KEMUDAHAN AKSES

MELALUI INISIATIF ISLAM DAN KEMAMPAHAN PADA 2019

JAN - JUL

PASUKAN PETUGAS PEMBIAYAAN HIJAU MALAYSIA (MGFT)

SC mempengerusikan MGFT, yang terdiri daripada sembilan ahli lain yang mewakili pengawal selia kewangan, pelabur institusi, bank, pengurus aset dan agensi kerajaan yang terlibat dalam sektor tenaga boleh diperbaharui.

MGFT mengemukakan saranannya yang mengandungi 21 butiran tindakan di bawah lapan strategi besar untuk memudahcarakan kira-kira RM33 bilion dalam pembiayaan tenaga boleh diperbaharui yang diperlukan untuk memenuhi sasaran negara sebanyak 20% keupayaan tenaga boleh diperbaharui diguna pakai menjelang 2025.

SEP

PROGRAM SARJANA TAMU SC-OCIS

Inisiatif tahunan untuk menjalankan penyelidikan lanjutan terhadap isu-isu kontemporari dalam kewangan Islam. Sarjana tamu bagi 2019/2020 ialah Tarik Akin, Pengarah Kanan Projek di Jabatan Strategi dan Penyelarasan, Pejabat Presiden Republik Turki, yang menjalankan kajian bertajuk '*Is Risk-Sharing Asset-Based Redistribution a Viable Solution to Tackle Wealth Inequality?*'.

MAC

SIDANG MEJA BULAT KE-10 SC-PUSAT PENGAJIAN ISLAM OXFORD (OCIS)

Kerjasama tahunan antara SC dan OCIS untuk meningkatkan lagi kepimpinan pemikiran global dalam kewangan Islam. Tema untuk 2019 adalah '*Impact Investing as an Extension to the Islamic Economy*'.

APRIL

PERSIDANGAN HAB ASIA PASIFIK SC-BANK DUNIA-IOSCO 2019

Dengan tema 'Kewangan Islam: Pemangkin bagi Keterangan', persidangan ini membincangkan dasar utama, peluang dan cabaran pengawalseliaan dan institusi, dan memfokus kepada peranan kewangan Islam dalam meningkatkan akses kepada pembiayaan.

Untuk keterangan lanjut, rujuk halaman 12.

NOV

PELANCARAN SUSTAINABLE AND RESPONSIBLE INVESTMENT ROADMAP FOR THE MALAYSIAN CAPITAL MARKET

Pelan Hala Tuju SRI tersebut disasarkan untuk mewujudkan ekosistem SRI yang memudahcara dan menentukan peranan pasaran modal dalam memacu pembangunan mampan Malaysia.

Untuk keterangan lanjut, sila rujuk halaman 19.

PELANCARAN RANGKA KERJA SUKUK SRI YANG DISEMAK SEMULA

Rangka kerja yang disemak semula tersebut meliputi penambahan projek SRI yang layak, keperluan penzahiran dan pelaporan yang dipertingkatkan, dan pencerahan mengenai peranan penyemak luaran.

Untuk keterangan lanjut, sila rujuk halaman 13 dan 14.

Pada 2019, ACMF mula membangunkan *Roadmap for ASEAN Sustainable Capital Markets*. Pelan Hala Tuju tersebut yang akan disiapkan pada 2020, akan menyediakan visi yang sama dan hala tuju yang komprehensif untuk mengukuhkan komitmen ASEAN dalam menggalakkan satu ekosistem bagi pembangunan pasaran modal yang mampan.

Usaha kewangan mampan ACMF di rantau ini telah diiktiraf oleh Persatuan Pasaran Modal Antarabangsa (ICMA), yang melantik ACMF sebagai ahli Majlis Penasihat 2019/2020 bagi Jawatankuasa Eksekutif Prinsip Bon Hijau dan Prinsip Bon Sosial.

WC-CMD yang dipengerusikan bersama oleh SC dan Kementerian Kewangan Vietnam, sedang menyediakan satu laporan mengenai kewangan mampan di ASEAN, memberi tumpuan kepada sektor kerajaan dan kuasi-kerajaan.

MEMUDAHCARAKAN KEBINGKASAN PASARAN MODAL

Peningkatan peranan industri modal teroka dan ekuiti swasta dalam menyokong pertumbuhan perniagaan

Modal teroka (VC) dan ekuiti swasta (PE) merupakan elemen penting bagi ekosistem keusahawanan Malaysia. Sebagai tambahan kepada modal kewangan, firma VC dan PE menyediakan panduan strategik dan bimbingan perniagaan, serta memanfaatkan rangkaian mereka yang menyokong usahawan dalam usaha membangunkan syarikat yang berjaya dan berdaya saing. Pertumbuhan syarikat-syarikat ini menyumbang kepada pewujudan pekerjaan, inovasi dan kemajuan ekonomi.

Pada 2019, industri VC dan PE di Malaysia menyaksikan komitmen dana berjumlah RM5,998.07 juta seiring dengan 122 syarikat

berdaftar dengan SC. Pelaburan pada 2019 adalah berjumlah RM566.37 juta.

Untuk memastikan pendekatan holistik dalam merumuskan inisiatif untuk industri, ahli baharu yang mewakili pelabur syarikat peringkat permulaan dan pelabur institusi dilantik menganggotai Majlis Pembangunan Modal Teroka dan Ekuiti Swasta Malaysia (MVCDC) – sebagai tambahan kepada perwakilan sedia ada dari kementerian, agensi kerajaan dan pengawal selia. MVCDC yang dipengerusikan oleh SC, bermatlamat untuk memudahcarakan pembabitan yang lebih inklusif antara kerajaan dan sektor swasta, dalam memupuk usaha pembangunan VC dan PE.

Mendorong inovasi dalam pasaran dana dagangan bursa

Dana dagangan bursa (ETF) menawarkan pelabur manfaat yang menarik daripada kepelbagaian segera dengan menjejaki indeks secara pasif pada kos yang lebih rendah daripada dana yang diuruskan secara aktif. ETF juga menyediakan pelabur akses mudah kepada rangkaian aset pendasar yang luas, termasuk kelas aset alternatif seperti komoditi dan niaga hadapan.

Selaras dengan penambahbaikan kepada Garis Panduan Dana Dagangan Bursa (*Guidelines on Exchange-Traded Funds*) pada 2018, SC meluluskan enam penerbitan ETF Leveraj dan Berbalik (*Leveraged and Inverse – L&I*) pada 2019, yang kemudiannya disenaraikan di Bursa Malaysia. Pada akhir 2019, nilai aset bersih (NAV) industri ETF adalah sebanyak RM2.14 bilion.

ETF Leveraj bertujuan untuk menyediakan pelbagai pulangan indeks pendasar, manakala ETF Berbalik direka dengan tujuan untuk melindungi nilai terhadap pasaran menurun. Selain menyediakan laluan ke pasaran asing, ETF L&I juga berfungsi sebagai pendedahan ringkas dan mudah kepada niaga hadapan.

KEAHLIAN MVCD

AHLI BAHARU

AHLI SEDIA ADA

PERSATUAN	GLIC	PENGAWAL SELIA	KEMENTERIAN	AGensi KERAJAAN
				
				

Sumber: SC

Insentif cukai untuk industri modal teroka



Insentif cukai bagi industri VC yang diumumkan dalam Belanjawan 2018 dilanjutkan sehingga 2026.

Insentif tersebut meliputi:

- Pengecualian cukai pendapatan bagi Syarikat Modal Teroka (VCC) bagi semua sumber pendapatan selain daripada pendapatan faedah yang diperolehi daripada simpanan atau deposit tetap dan keuntungan daripada deposit berasaskan Syariah;
- Pengecualian cukai pendapatan bagi Syarikat Pengurusan Modal Teroka (VCMC) bagi perkongsian keuntungan, bonus prestasi atau faedah yang dibawa; dan fi pengurusan yang diterima daripada VCC dengan pengecualian cukai yang disahkan oleh SC;
- Pengurangan cukai pendapatan ke atas amaun pelaburan bagi VCC yang layak yang berdaftar dengan SC tidak lewat dari 31 Disember 2023, sehingga RM20 juta setahun; dan
- Pengurangan cukai pendapatan ke atas amaun pelaburan yang dibuat secara langsung kepada syarikat peringkat permulaan yang layak.

MEMAHAMI

ETF LEVERAJ DAN BERBALIK

LEVERAJ



- 1 Mensasarkan untuk **menghasilkan sehingga dua kali ganda** prestasi harian indeks pendasar.*
- 2 Jika **indeks pendasar memperoleh 1%** keuntungan dalam sehari, ETF mensasarkan **sehingga 2% keuntungan**.
- 3 Yang bermakna **prestasi dan risiko sehingga dua kali ganda**.

BERBALIK



- 1 Mensasarkan untuk **menghasilkan paling tinggi pembalikan sebanyak (-1x)** prestasi harian indeks pendasar.*
- 2 Jika **indeks pendasar kerugian 1%** dalam sehari, ETF mensasarkan **sehingga 1% keuntungan**.
- 3 Yang bermakna anda **memperoleh keuntungan** apabila indeks pendasar **jatuh**.



PELABURAN STRATEGI

- Diuruskan secara pasif
- Melabur secara terus ke dalam kontrak niaga hadapan bulanan/suku tahunan terdekat bagi indeks pendasar

*Nota: * Guidelines on Exchange-Traded Funds, SC.*

Kemudahan akses yang lebih baik bagi bon korporat melalui rangka kerja bon runcit dan sukuk

Pada 2018, SC memperkenalkan rangka kerja mengenai pasaran bon dan sukuk sedia ada (*seasoning*), yang menyediakan pelabur runcit dengan akses yang lebih besar kepada bon korporat dan sukuk yang sebelum ini disediakan untuk pelabur sofistikated sahaja.

Susulan pengenalan rangka kerja pasaran tersebut, semakin dibuat pada 2019 kepada garis panduan bon runcit yang berkaitan. Semakin ini meningkatkan lagi kemudahan akses pelabur

kepada bon korporat dan sukuk dengan memudahkan pengedar yang layak untuk mengambil bahagian. Pindaan juga dibuat berhubung keperluan penzahiran bagi individu bernilai tinggi. Ini termasuk menyediakan penjelasan lanjut mengenai kaedah maklumat mengenai bon sedia ada disebarkan kepada pelabur.

Sejak penyertaan pengedar pertama di bawah rangka kerja pasaran sedia ada (*seasoning*) pada 2019, terdapat peningkatan dalam bilangan bon korporat dan sukuk yang diniagakan oleh pelabur runcit. Pada penghujung 2019, 12 bon sedia ada yang layak tersedia untuk diniagakan.

Mempertingkatkan skim persaraan swasta untuk mengukuhkan kesejahteraan persaraan ahli

Sejak penubuhannya pada 2012, Skim Persaraan Swasta (PRS) terus menyediakan rakyat Malaysia dengan platform untuk menambah simpanan persaraan mereka. Sebagai pelengkap kepada skim mandatori, pelaburan dalam PRS berfungsi sebagai sumber pendapatan lain bagi ahli pada usia tua mereka serta menyediakan satu kaedah simpanan bagi mereka yang tidak dilindungi secara mandatori oleh skim persaraan yang lain.

Pertumbuhan mampan industri ini berterusan dengan jumlah nilai aset bersih (NAV) mencapai RM3.5 bilion, didorong oleh peningkatan kesedaran mengenai industri PRS dan manfaatnya. Setakat ini, terdapat 455,000 ahli PRS dan lebih 700 majikan yang mengambil bahagian dalam membuat caruman sukarela untuk pekerja mereka di bawah PRS.

Untuk mengukuhkan simpanan sukarela di Malaysia, SC menjalankan kajian strategik terhadap landskap PRS. Skop kajian tersebut termasuk liberalisasi peruntukan aset, lebih fleksibiliti dalam penstrukturan kedua-dua dana teras dan bukan teras serta penambahbaikan pilihan asal (*default*) bagi ahli.

Kajian strategik tersebut juga merupakan pemangkin bagi penawaran lebih banyak pilihan pelaburan yang inovatif dan dipelbagai. Susulan kajian tersebut, dua dana PRS baharu dilancarkan untuk menyediakan perlindungan insurans kepada ahli. Dana tersebut menawarkan polisi insurans percuma yang meliputi kecederaan, ketidakupayaan atau kematian.

Dalam memperluaskan pemahaman pelabur, Pentadbir Pencen Swasta Malaysia (PPA), pentadbir pusat untuk PRS melancarkan rujukan prestasi dana baharu di laman sesawangnya untuk membantu para pelabur membandingkan pulangan pelbagai dana PRS.

Langkah-langkah berkaitan dengan PRS



Untuk memastikan ahli-ahli PRS mempunyai akses kepada simpanan persaraan sukarela mereka pada masa yang diperlukan serta meringankan beban kewangan mereka, Bajet 2020 membenarkan pengeluaran untuk penjagaan kesihatan dan perumahan tanpa dikenakan sebarang penalti cukai.

Memastikan akses kepada pasaran modal melalui perdagangan antarabangsa


Bagi memudahkan akses kepada pasaran Malaysia dan melindungi kepentingan pelabur dan syarikat Malaysia di luar negara, SC secara berterusan melibatkan diri dalam pelbagai jawatankuasa serantau dan antarabangsa dan perjanjian perdagangan. Penyertaan dalam forum ini turut menyokong dan memudahkan agenda keseluruhan perdagangan dan ekonomi antarabangsa Kerajaan.

Penglibatan SC pada masa kini termasuk Perkongsian Ekonomi Komprehensif Serantau (RCEP), Inisiatif Pasaran Bon Asia (ABMI), dan Jawatankuasa Kerja ASEAN mengenai Liberalisasi Perkhidmatan Kewangan (WC-FSL). Forum ini ditubuhkan untuk membolehkan usaha ke arah pembangunan pasaran, integrasi yang lebih baik dan liberalisasi akses pasaran.

Di bawah WC-FSL, ASEAN telah melengkapkan *Komitmen Pakej Kewangan Kelapan (Pakej Kelapan)*, yang ditandatangani oleh Menteri-menteri Kewangan ASEAN pada 5 April 2019. Untuk meningkatkan akses kepada pasaran modal melalui Pakej Kelapan, SC komited untuk membenarkan agensi penarafan kredit 100% milik ASEAN di Malaysia. Tawaran ini berkuat kuasa pada 7 Oktober 2019.

SKIM PERSARAAN SWASTA

PERTUMBUHAN ASET DAN KEAHLIAN



AHLI PRS MENGIKUT KUMPULAN UMUR

KURANG DARIPADA 30



30 HINGGA KURANG DARIPADA 40



40 HINGGA KURANG DARIPADA 50



50 HINGGA KURANG DARIPADA 55




55 HINGGA KURANG DARIPADA 60




MELEBIHI 60



AHLI PRS MENGIKUT GENDER



LELAKI



PEREMPUAN

PILIHAN DANA AHLI PRS

TERAS: DANA PERTUMBUHAN



DANA BUKAN TERAS



TERAS: DANA SEDERHANA



TERAS: DANA KONSERVATIF



PENGELUARAN OLEH AHLI PRS

PERSARAAN



PENGELUARAN SEBELUM PERSARAAN



LAIN-LAIN



AHLI PRS MENGIKUT JENIS PEKERJAAN

BEKERJA



PELAJAR, SURI RUMAH, PESARA



BEKERJA SENDIRI



Sumber: SC

MENDUKUNG PERLINDUNGAN PELABUR

Seiring dengan usaha berterusan untuk meningkatkan kemudahan akses kepada pasaran modal, SC juga telah mengambil langkah-langkah untuk memperkasa pelabur melalui inisiatif pendidikan dan kesedaran serta memastikan terdapatnya kaedah penyelesaian bagi para pelabur sekiranya berlaku pertikaian dengan pengantara pasaran modal.

Pemeriksaan pelabur yang dipertingkatkan dan kesedaran berterusan mengenai Pencegahan penipuan

Melalui platform InvestSmart® SC yang ditubuhkan pada 2014, ia terus menyediakan para pelabur dengan pengetahuan pelaburan yang berkaitan bagi membolehkan mereka melaksanakan pertimbangan yang lebih baik ketika membuat keputusan pelaburan mereka. Usaha-usaha ini menggalakkan penyertaan

pelabur bermaklumat dalam pasaran modal dan melindungi mereka daripada menjadi mangsa penipuan dan skim pelaburan haram.

Inisiatif InvestSmart® juga adalah sejajar dengan *Strategi Literasi Kewangan Kebangsaan Malaysia 2019-2023* (Strategi Kebangsaan) yang dibangunkan oleh Rangkaian Pendidikan Kewangan (FEN), yang dilancarkan pada Julai 2019. FEN dipengerusikan bersama oleh BNM dan SC dengan lima orang ahli lain.

Bagi menyediakan pelabur dengan kaedah untuk mendapatkan ganti rugi melalui platform pakar yang bebas dan adil, SC menubuhkan Pusat Penyelesaian Pertikaian Industri Sekuriti (SIDREC) pada 2010. Pada 2019, SIDREC menerima sejumlah 290 tuntutan dan pertanyaan. Lebih 91% tuntutan yang layak melalui proses penyelesaian pertikaian SIDREC telah diselesaikan melalui pengurusan kes dan perantaraan, tanpa perlu dilanjutkan kepada proses adjudikasi.

Strategi Literasi Kewangan Kebangsaan 2019 – 2023

Strategi Kebangsaan ini telah dilancarkan oleh Perdana Menteri YAB Tun Dr Mahathir Mohamad pada 23 Julai 2019 untuk meningkatkan tahap literasi kewangan, menggalakkan tingkah laku kewangan yang bertanggungjawab dan sikap positif terhadap pengurusan kewangan.

Strategi Kebangsaan tersebut merupakan pelan hala tuju holistik 5 tahun yang menetapkan keutamaan dan pelan tindakan.



STRATEGI KEBANGSAAN

VISI	Meningkatkan kesejahteraan kewangan rakyat Malaysia				
OBJEKTIF	Meningkatkan literasi kewangan rakyat Malaysia dan menggalakkan tabiat yang bertanggungjawab				
Memperkasa rakyat Malaysia untuk...					
HASIL STRATEGIK	Menyimpan, mengurus dan melindungi wang	Merancang dan melabur untuk masa depan yang mampan	Melindungi harta daripada penipuan kewangan		
PENDEKATAN	Meningkatkan kerjasama sektor awam-swasta	Jangkauan dan komunikasi yang efektif	Mempengaruhi perubahan tabiat	Meningkatkan akses kepada produk dan perkhidmatan kewangan	
PERINGKAT KEHIDUPAN	Murid sekolah	Remaja	Dewasa	Bakal Pesara / Pesara	
STRATEGI UTAMA	 Menyemai nilai murni sejak usia muda	 Meningkatkan akses orang ramai kepada maklumat, alat kewangan serta sumber berkaitan pengurusan kewangan	 Memupuk tabiat kewangan yang positif dalam kalangan kumpulan sasaran	 Memperkasa amalan perancangan kewangan jangka panjang dan persaraan	 Mengumpul dan melindungi harta

ACARA UTAMA 2019

18 – 20 OKTOBER • INVESTSMART[®] FEST 2019

Tahun ini merupakan penganjuran kali ke-6 InvestSmart[®] Fest. Diadakan di Pusat Pameran Mid Valley, Pesta ini telah dirasmikan oleh Datuk Seri Saifuddin Nasution Ismail, Menteri Perdagangan Dalam Negeri dan Hal Ehwal Pengguna.



13,000+
PELAWAT



50+
PEMPAMER

INSTITUSI PASARAN KEWANGAN
PERSATUAN
PENGANTARA
AGENCI KAWAL SELIA DAN KERAJAAN



41
PENCERAMAH



370 perundingan
percuma bersama perancang
keuangan berlesen yang
ditawarkan di kaunter khidmat
keuangan#FinPlan4U

APLIKASI MUDAH ALIH BIX

Bonds and Sukuk Information Exchange Malaysia (BIX Malaysia) melancarkan aplikasi mudah alih BIX untuk memberi akses segera kepada pelabur maklumat khusus mengenai bon dan sukuk.



SCAMBUSTER WALK HUNT 2019

Bersempena InvestSmart[®] Fest 2019, SC menganjurkan ScamBuster Walk Hunt ketiga pada 20 Oktober 2019. Acara tersebut diadakan berikutan kejayaan ScamBuster Run 2017 dan 2018. Semua hasil kutipan pada majlis itu disalurkan kepada SC HEART, inisiatif tanggungjawab korporat dan sosialnya.



Aktiviti pendidikan menyeronokkan untuk meningkatkan kesedaran mengenai skim pelaburan haram:

- Lalan 4km dengan petunjuk dan teka-teki di Segi Tiga Emas KL
- Quiz mengenai pengetahuan pelaburan

29 – 30 JUN • BERSAMA INVESTSMART[®] @ BORNEO – SABAH 2019

Inisiatif pendidikan pelabur yang pertama di Malaysia Timur, InvestSmart[®] diadakan di Kota Kinabalu. Menteri Kewangan Sabah, YB Tuan Sarifuddin Hata merasmikan acara tersebut bagi pihak Ketua Menteri Sabah, YAB Datuk Seri Panglima Haji Shafie Apdal.



9,000+
PELAWAT



34
PENCERAMAH



22
PEMPAMER

PERSATUAN
PENGANTARA
AGENCI KAWAL SELIA
DAN KERAJAAN

Sepanjang tahun ini, InvestSmart[®] telah menjalankan dan mengambil bahagian dalam 22 inisiatif pendidikan pelabur, yang terdiri daripada 18 acara pendidikan pelabur dan 4 kempen pengumuman perkhidmatan awam (PSA)

JAN

PSA – 'Be a smart investor! Do not invest in something you do not fully understand' audio melalui stesen radio

Marketplace Fair, Bursa Malaysia, Pulau Pinang

FEB

Karnival Kewangan BNM, Miri

MAC

PSA – Video 'Silap Labur Duit Lebur' di semua stesen TV dan pengangkutan awam Prasarana

Wanita dalam Kewangan AKPK

APR

Karnival Kewangan BNM, Kuala Terengganu

InvestSmart[®] @ SC – 'Melabur Untuk Masa Hadapan Anda'

Minggu Amanah Saham Malaysia PNB

MEI

InvestSmart[®] @ SKMM - 'Pengurusan Kewangan Asas Pelaburan'

JUN

Bersama InvestSmart[®] @ Borneo, Sabah 2019

JUL

Bengkel Literasi Kewangan Belia Nasional, MFPC, Ipoh

Karnival Kewangan BNM, Melaka

OGOS

Bengkel Literasi Kewangan Belia Nasional, MFPC, Kelantan

SEP

Karnival Kewangan BNM, Kangar

Program Kebolehpasaran Graduan IPT 2019, Universiti Sains Islam Malaysia

OKT

Minggu Pelabur Sedunia IOSCO 2019*

Siri iklan didik InvestSmart[®] selama 3 minit mengenai aset digital dan mesej kesedaran pencegahan penipuan di stesen radio

NOV

Bengkel Literasi Kewangan Belia Nasional, MFPC, Petaling Jaya

InvestSmart[®] Fest 2019, Kuala Lumpur

ScamBuster Walk Hunt 2019

DIS

PSA – Audio 'T.I.P.U' di semua stesen radio

PSA – Paparan berita di stesen TV

Festival MoF – Living in Future Time (LIFT) Putrajaya

InvestSmart[®] @ SC – 'Invest Smart • Bijak Labur'

* Acara diadakan dari 30 September hingga 6 Oktober 2019